





















ASSEMBLEE  
TENVE A' LA RO-  
CHELLE SVR LE DE'PAR-  
tement des Prouinces du Royau-  
me de France, faicte à chacun des  
Princes & Seigneurs de la Reli-  
gion, à sa volonté.



A LYON,

Iouste la Coppie Imprimée à Aix,  
Par I E A N T H O L O Z A N, Impri-  
mour du Roy en ladiète ville.

---

M. D C. X X I.

*Avec Permission des Superieurs.*

CASE

F

39

1326

1621 cfx

THE NEWBERRY  
LIBRARY



L'ASSEMBLEE GENERALE  
des Eglises Reformees de France,  
& Souueraineté de Bearts

**A**Yant eu aduis certains, & confirmé par Monsieur de Challans, l'un des deputez generaux, que les Conseils violans des ennemis de l'Estat de la Religion ayant preualu au Conseil du Roy le dixneufuiesme iour d'Auril dernier, y auroit esté fait leur departement de quarrenre vn mille hommes de pied, & six mille chevaux pour l'employer contre ceux de ladicte Religion, & que le Sieur de la Force & ses enfans auroient estez en mesme temps en haine de ladicte Religion expoulliee de tous leurs Gouuerneméts & Estats, dôt Messieurs le Marechal de Remines, & Marquis de Mouy, auroient esté à l'instant pourueu contre les paroles expresses, desquelles Monsieur de Fauart député general; partit le iour precedent pour venir vers ladicte assemblee: estoit chargé de luy donner assurance, & que Monsieur le Duc de l'Esdiguieres luy faisoit aussi représenter comme certain & indubitable, tât pour la croyance de Monsieur de la Roche de Grauc, son député vers icelle, que pour ses moyens & instructions signees de Monsieur le Duc de l'Esdiguieres, considerant aussi les horribles excez & seditiôs aduenues au mesme temps en la ville de Tours,

aine de ladicte Religion, les armes leuees  
 Guyenne pour l'oppressiõ du pays de Beart,  
 de Monsieur de la Force, & en Languedoc,  
 en Viuauez par Monsieur le Duc de Mont-  
 moracy, se seroit ensuiuy la perte de Ville-neuf-  
 ue de Ber, & de Bal, & Vallons en toute force  
 & violence, meurtres, penderies, viollemens, &  
 autres cruautéz auroyent esté exercées, & d'al-  
 lieurs recognoissant que toute audiance & Iu-  
 stice leur est desniée, mais qui pis est, il y a des  
 ennemis du repos public & de la tranquillité pu-  
 blicque, abusant & des affections & de la con-  
 science du Roy, portent toutes choses en vne  
 persecution honneste contre ceux de ladicte  
 Religion. Ladicte assemblee à ses causes soubz  
 la protestation qu'elle faict deuant Dieu & des  
 hommes, aux nommez de tous ceux de ladicte  
 Religion, desquels elle a charge de demeurer  
 tousiours soubz la tres-humble subiection du  
 Roy: qu'elle recognoist leur auoir esté donné  
 de Dieu pour leur Prince & souuerain Sei-  
 gneur, voyant les choses reduites à des termes  
 misérables, apres vne si longue attente & re-  
 tentie, estant avec vn indicible regret contrainsts  
 de recourir aux moyens naturels & legitimes,  
 pour les exposer aux violances & oppressions,  
 & pour conseruer en tant qu'en elle est l'au-  
 thorité du Roy & de ses Edicts, par liber-  
 té de leurs consciences & leureté de leurs vies,  
 mesme d'empirer en tant que faire se pourra les  
 desordres, confusions & inconueniens que l'a-  
 bsence de la guerre peut apporter, & pour réal-  
 lier



lier, mettre, & retenir en bon ordre toutes les forces que peuvent estre en chascune Prouince, à faict & arresté l'ordre & reiglement general qui s'ensuit, par toutes les Prouinces lesquelles ladicte assemblee a estimé estre à propos de deuiser en huit despartemens, & en chacun d'iceux eslire & establir vn chef general pour commander soubs l'autorité de sa Majesté à tous ceux de ladicte Religion, & y exercer leurs charges & pouuoir selon quil est contenu auxdicts reiglemens.

---

*S'ensuit les departemens desdictes Prouinces, selon qu'elles sont comprises au despartement des Synodes.*

I.

**P**Remierent, à Monsieur le Duc de Boullion premier Mareschal de France & de la Normandie, l'Isle de France, Berry, la Prouince Bauffor, le pays de Mainne, Perize, & Touraine, excepté l'Isle Bouchart.

II.

A Monsieur de Soubize, la Bretagne, le pays d'Anjou, l'Isle Bouchart, Londinores, la Prouince Deportes, & se qui en despend, suiuant l'estat de l'extraordinaire des guerres de ladicte Prouince seulement.

III.

A Monsieur le Duc de la Trimouille, l'An-



goulmois , Xainctonge , Albes, Adceintes:

I V.

A Monsieur de la Force, la basse Guienne.

V.

A Monsieur le Marquis de la Force, le Beart.

V I.

A Monsieur le Duc de Rohan, le haut Languedoc & haute Guienne.

V I I.

A Monsieur de Chastillon , le bas Languedoc, Seuennes, Geuaudan, Viuarcest.

V I I I.

A Monsieur le Duc de l'Ediguieres , le Dauphiné, Prouence, la Bourgogne.

Et en outre auoir Monsieur le Duc de Boulion le commandement general des Armees, en qu'elle Prouince qu'il se treuve, avec le pouuoir & authorité qui est plus amplement conteuu audiect reiglement.

---

## S'ENSUIT LEDICT ORDRE & Reiglement general.

### ARTICLE I.

EN chasque Prouince ou faire se pourra, seront commis les Conseils en la forme qu'ils sont a present establis, & les deputez Consuls s'assembleront toutesfois & quantes que les affaires dela Prouince le requerront.

II.

Le Chef general commandera , conduira, & exploitera l'Armee generale & autres forces & Armees ioinctes & vnies , aux lieux & endroits ou le bien des affaires requerra qu'il sera treuue, & avec lesdictes forces pourra assieger, où faire assieger, Villes, où Chasteaux, y donner assauls, les prendre par force , ou composition, liurer iournees & bataille, & generalement faire toutes autres entreprises & exploits de guerre que ledict General iugera estre bon expedient, avec les autres chefs de son armee.

## III.

Ledict General disposera de toutes les charges de son Armee, excepté des Charges de Colonnels de la Cauallerie & infanterie , grand maistre de l'Artillerie , & Mareschaux de Camp generaux , auxquels ladiete assemblee generale pouruoirra avec l'aduis dudit General.

## IV.

Ledict General aura vn Conseil aupres de sa personne, composé des principaux Chefs & officiers de son armee , & en iceluy assisteront avec seance & voix deliberatiue, trois deputez de l'assemblee generale , lesquels seront changez de trois en trois mois , ou continuer à la liberte de l'assemblee.

## V.

Les Chefs generaux estably esdictes prouinces suiuront les despartemens si dessus , auront pareillement vn conseil pres deux , Composez des principaux chefs de leurs armees , auxquels



quels assisteront pareillement trois deputez du conseil de chacune Prouince, qui seront de leur despartement avecque sceançe & voix delliberatiue, qui seront semblablement changez de trois en trois mois ou continuer a la liberte desdits conseils.

## VI.

Lesdicts chefs generaux des Prouinces, pourront vn ou plusieurs Lieutenans en l'estendue de leurs Prouinces, par l'aduis des conseils d'icelle, & ensemble pouruoir à toutes les autres charges en prenant par les nommez, leurs prouision de l'assemblee generale.

## VII.

Et toutes les places que seront de nouveau ioinctes au party par les Armees du General, appartiendra au general de pouruoir à la garde gouuernement, & administration d'icelle, auront les chefs generaux establis dans la Prouince, pareils pouuoir en toutes les places que eux ou leurs Lieutenans auront reduictes en leur puissance, à la charge de prendre prouision de ladiete assemblee comme si dessus.

## VIII.

Quant aux places qui sont maintenant entre nos mains, esquelles il ny aura gouuerneur, & où il sera necessaire d'en establi, la nominatiō en sera faicte par les chefs general establi en ladiete Prouince & du constantement des Villes excepté la Ville & gouuernement de la Rochelle ou il n'y sera rien tieuue, & au regard des Places où il n'y a Gouuerneurs, aduenant

vaca

vacation du Gouverneur, ne pourra estre pourueu que par l'assemblee à laquelle le general de ladicte Prouinee, avec les conseils d'icelles, presenteront trois personnes pour en estre accepté d'une par ladicte assemblee.

## IX.

Lors que ledict general se treuuera en ladicte assemblee generale, il y presidera, & les chefs generaux estably sur ladicte Prouince y auront sceance & voix deliberatiue non sceant Lieutenant, Aussi dans les Conseils desdictes Prouinces, presideront lesdits sieurs generaux desdictes Prouinces quant ils y seront presens, & non leurs Lieutenans, si ce n'est par l'Eslection dudict Conseil.

## X.

Ne pourra estre fait aucun traicté de treisue, où de paix, que la deliberation ou conclusion n'en soit prinse en l'assemblee generale, ou ledict general ou les chefs generaux desdictes Prouinces seront priez d'assister en personne, où par leurs deputez, ausquels cas & pour le fait seulement, lesdits deputez auroyent voix deliberatiue en ladicte assemblee.

## XI.

Toutes les prinse & captures qui se feront par terre, seront declarees nulles, si elles ne sont aduancees par le chef general en chascune desdictes Prouinces & Conseils, residents pres de luy, où son Lieutenant en son absence, avec ledict Conseil.

## XII.



Tous les Chefs, Capitaines, & Soldats, promettrent d'observer les reiglemens, tant Militaires que de la Iustice & finance, sur les peines portees par iceux.

## XIII.

D'autant que les gens de guerre doiuent plustost seruir d'exemple de vertu, & honnesteté, que non pas de desbordement & dissolution, Tous Chefs, Capitaines, & Soldats, seront exorté d'vser de vray Chrestien, & sage desportemēt en leurs actions, afin que Dieu en soit honoré par bonnes vie & conseruation, vn chacun edifié en toutes pietez.

## XIV.

Et pour ceste fin, tous les chefs de gens de guerre, tant de Caualerie que infanterie, seront exorté d'auoir (en tant que faire ce pourra) des Pasteurs ordinaires pour faire leurs presches, & prieres aux iours ordonnez, & seront tous chefs, Capitaines, & Soldats, subiets à l'ordre & discipline Ecclesiastique, suiuant les reiglemens & pollice de ce Royaume.

## XV.

Et parce que le vice le plus frequent qui est parmy les gens de guerre, est les reniements & blasphemies qu'ils font à tous propos contre les commandemens de Dieu, & ordonnances de nostre loy, tant ancienne que moderne, au escandale de tous les bons Chrestiens. Et est deffendu & prohibé à tous, & de quel estat & condition qu'ils soyent, de iurer, & blasphemer le nom de Dieu, pour qu'elle cause & occasion que ce soit,  
à pei



à peine de payer vn teston par le soldat qui aura blasphemé, & vn escu par le gentilhomme & Capitaine, & doubler tousiours selon qu'ils le treuueront en la mesme faute. Et en cas d'obstination & persenerence en leurs blasphemés, seront callez & emprisonnez.

## XVI.

Est tres expressement deffendu à tous lesdicts gens de guerre, sans exception de personne, mener vie lubrique & scandaleuse, tenir ou conduire soit en la ville ou aux champs lesdictes compagnies, & vendre aucune femme, sur peine de la vie, & aux femmes d'estre punies corporellement suiuant l'ordonnance.

## XVII.

Il est aussi tres-expressement deffendu à tous gens de guerre, soldats & autres, de ne mettre la main aux armes pour iniures ou querelles particulieres, mais pour la decision d'icelle se retireront à leurs chefs & capitaines, ou Gouverneurs des places, ou il seroit pour leurs estre sur ce fait droict comme il appartiendra, suiuant les reiglemens sur ce faits.

## XVIII.

Tous Capitaines, soldats, declareront & denonceront au general & conseil, les prisonniers dans vingt quatre heures apres les prises faites sans les pouuoir essargir & desliurer, ny mesme remettre en rançon sans le commandement, congé & expres ordonné desdicts generaux & Conseils, en outre seront tenus de respondre desdicts prisonniers, & les représenter, & les

mettre en lieu seur.

X I X.

Et ne pourrôt lesdits generaux Gouverneurs & Capitaines congедier lesdits prisonniers, remettre ou moderer ce droit desdits buttins & rançons dues au public, sur peine de le payer entierement de leur propre.

X X.

Les commissions qui seront baillees & expediees aux Capitaines & autres pour commandement, seront enregistree au registre, tant de ladiete assemblée que des chefs & Gouverneurs, & est prohibé & deffendu à tous Capitaines & gens de guerre, marcher & tenir les champs avec leurs compagnie, sans expres mandement & commission de l'assemblée, où des superieurs & generaux, sur peine de la vie, & leur sera couru sus

X X I.

Les soldats ne pourront delaisser leurs Capitaines, ny abandonner leur Guarnison sans expres congé & permission de leurs chefs, & ne seront receus en autre compagnie sans faire apparoir de leurs congé, deffendant à tous Capitaines de les recevoir, & prattiquer les soldats les vns des autres, pour les distraire des compagnies, à peine d'estre de claré inhabile de commandement.

X X I I.

Et pour recognoistre les soldats estrangers & autres connoissans de leurs actiōs, sera tenu registre aux portes des villes de l'entree & isseue  
d'iceu



d'iceux , pour en informer incontinent par le  
gouverneur ou chefcomendant en ladicte ville.

**X X I I I.**

Ne sera permis aux gens de guerre executer  
aucune entreprinse qu'ils auront sur les villes &  
places , sans l'aduis & congé du General de la  
Prouince.

**X X I V.**

Est expressement deffendu à tous Capitaines,  
soldats , & gens de guerre ayant receu solde, pré-  
dre aucuns viure sans payer leurs hostes , ou vol-  
ler , sur peine d'estre punis comme larrôs & vol-  
leurs , & ce tant qu'ils seront en pays d'amy  
contribuable.

**Z X V.**

Est generalement deffendu à toutes person-  
nes quoy qu'ils soient , parlementer, negautier, &  
traffiquer avecque l'ennemy , sans permission  
desdits Generaux , & sur peine d'estre traicté  
comme ennemy.

**X X V I.**

Le paiement des compagnies , tant de cheual  
que de pied , se fera subit monstre & reueüe, &  
non autrement , assistant à icelles les Gouver-  
neurs & Cósuls generaux de guerre , & en leurs  
absence les Magistrats, avec les garnisons qui  
seront ordonnees.

**X X V I I.**

Les conseils des lieux ou leurs Capitaines,  
responderont des excès & maluersations de leurs  
soldats , pour les représenter à la Iustice quant  
requis seront.

## XXVIII.

Toutes les compagnies de Cauallerie seront reduites au nombre de cinquante homme , & les compagnies de gens de pied de cent homes.

## XXIX.

Les soldats qui seront habitans des villes où ils seront en garnison , ne pourront demander logis n'y vstancilles.

## XXX.

Et afin que l'agriculture & labourage puisse estre librement continué sans aucun empeschement, ne sera loisible de prendre le bestail seruât au labourage, les arrois , lits , & habillemens des paysans hommes & femmes , de quelle religion qu'ils soyent. Ne pourront aussi prendre lesdicts paysans prisonniers, sinon pour les deniers sur eux imposez, ny estre arrançonnez, ny mal traitez, sur peine de la vie , & restitution de tout ce qui auroit esté prins, avec reparatiôs des iniures & interests à ceux a qui auroyent esté faicts.

## FINANCE I.

I. L'assemblee generale pour suruenir aux grands fraiz & despens qu'il conuiendra faire pour l'entretien des gens de guerre si dessus , & autres affaires publicqs arrestez , que tous deniers Royaux des Tailles, Taillons , Aydes , Gabelles, Douanne, Decimes, Subside, & autres qui pourront si apres estre establis par ladicte assemblee , de quelle nature qu'elle puisse estre, seront leuez & receuz par les Tresoriers & Receueurs generaux & particuliers , qui seront nommez & pourueuz , tant pour ladicte assemblee



blee, que pour toutes les Prouinces.

II. Comme pareillement seront pris & leuez sur les benefices & autres biens & reuenus appartenans aux Ecclesiastiques, lesquels à c'est effect seront baillé à ferme par deuant le commissaire, pour establir en chacune prouince, par le Chef general en icelle, avecque le Conseil desdictes Prouinces, & se suiuant les charges & fermes ordinaires, & circonstances, dont iceux dresseront bons & valables proces verbaux, qui seront pris & determiné dudiect Conseil, & des Receueurs establis en chacune desdictes Prouinces, pour faire le recouurement des deniers qui en prouiendront, dont sera faict estat separé par lesdicts Receueurs.

III. Entreront aussi en deniers publicqs tous les droits qui seront prins sur les butins & rançons des prisonniers, à ceste fin sera prins pour le public pour les droits desdits butins de toutes marchandises, & autres choses prises ensemble desdictes rançons.

IV. Les compositions qui se feront aux reductions des villes & autres lieux, appartiendra au public, & pour se sera faict Cayer & receptes à part, par les Tresoriers & Receueurs generaux, & particulierement des deniers qui en prouiendront.

V. Les Officiers tant de Iustice que des finances, & tous autres Officiers faisans profession de la Religion, & demeurans en l'vniou de nos Eglises, seront maintenus en l'exercice de leurs charges.

VI. Tou



VI. Tous les droicts & rantes appartenant au particulier de ladicte Religion, seront lesdictes Tailles, subcide, & impositions, & autre droict leur seront conserué, & eux maintenus en la iouissance d'iceux, faisant deuëment apparoir comme il appartient.

VII. Pour l'entretènement des Pasteurs, auxquels les Eglises à cause de leurs disposition ne pourront fournir, sera dressé estat par ladicte assemblée, & par les Generaux & Conseils des Prouinces, pour estre payez de leursdicts entretien, sur les plus clairs deniers prouenans des reuenus des biens Ecclesiastique, ou a deffaut, sur toutes autres natures de deniers, lesquels payemens seront faits par les Receueurs Generaux & particulier desdictes Prouinces, en vertu des susdits Estats.

VIII. Et d'autant que la rigueur du trouble pourra contraindre plusieurs personnes & familles, de changer de demeure, abandonner leurs possessions, vacations, & charges, il sera pourueu à leurs entretien par ladicte assemblée, ou par les Generaux & Conseils desdictes Prouinces.

*Fait & arresté en ladicte assemblée generale tenue en la ville de la Rochelle, le Lundy dixiesme May, en l'annee 1621. Signez, COMBERT, comme President: BAVAGE, adioinct: ROYEL Secretaire: RIFFAULT Secretaire.*

F I N















